

## RITTE, RITTE, RÖSSLI

Ritte, Ritte, Rössli,  
z'Basel steht es Schloëssli,  
z'Burdlef ist es Sommerhus,  
Da luege drei Fraue drus.  
Die erste spinnt Side,  
Die zweite schnætzled Kride,  
Die dritte luegt zum Fenster us  
Und seit: Ihr Herre und Dame,  
Wo weiter us?

Ritte, Ritte, Rössli,  
z'Bern steht es Schloëssli,  
z'Solothurn es Glockenhus,  
Da luege drei Fraue drus.  
Die eine singt, die andere spinnt,  
Die dritte geht i Cheller,  
Reicht e Flasche Musgateller,  
Musgateller süsse Wie,  
Chum mir wei eis lustig sie.

Ritte, Ritte, Rössli,  
z'Bern steht es Schloëssli,

z'Solothurn es Glockenhus,  
Da luege drei Fraue drus.  
Da schint die liebe Sunne drus,  
Schint d' Sunne  
z's Bern über e Brunne  
z's Basel über e chalte Stei,  
's chunnt, mi liebe Papa hei, hei, hei!

Storch, morch, mit dine lange Beine  
I will di lehre Silber trage  
Wenn de der Rogge rifet,  
Wenn de der Müller pffet,  
Wenn de der Vetter Ueli chunnt,  
Und mine Chinder Schueli bringt.  
Er het der Stecke in der rechte Hand,  
Er führt sie gege d's Niederland.  
Im Niederland isch o nes Hus,  
Da luege drei schoene Jumpfere drus.  
Die eine spinnt Side,  
Die andere schnætzled Kride,  
Die dritte hacket Bohnestrau.  
B'hüt mer Gott mis Buebeli au.

## BEIM REITEN AUF DES VATERS KNIE

Das Buebeli hat es Rössli  
Will rite n'uf das Schloëssli:  
Hopp, hopp, hopp,  
Rössli, lauf galopp!

Das Rössli will nid laufe,  
Das Buebeli will's verkaufe:  
Da lauft es: trabb, trabb, trabb!  
Und wirft das Buebeli ab!